



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 43. Theodosius Imperator.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

doceant, aut rebaptizent, Episcopis au- Sæculum IV.
 tem eorum, Presbyteris, & Diaconis, ne A. C. 379.
 populum congregent. Uno mense prius, L. II. C. Th.
 nempe quinta Julii, cum esset Aquilejæ, de lustr. coll.
 Clericos Mercatores a collatione lustrali
 exemit, usque ad summam, quæ decem
 asses aureos non excedat in Illyrico, &
 Italia, & quindecim aureos in Gallia.
 Decem asses aurei ferme octoginta fran-
 cos argenteos monetæ nostræ, & quindecim
 aurei francos centum viginti confi-
 ciunt. Ita leges Clericorum mercaturæ
 favebant, si modica esset, & ad vitam fru-
 galem necessaria, non vero ut commer-
 ciis totos se dederent, & divitiis inhia-
 rent. Ambæ hæ leges anni 379. non an-
 te latæ sunt, quam Gratianus Theodosium
 Imperii Collegam assumpsisset.

§. XLIII.

Theodosius Imperator.

Cum videret Gratianus Imperator un- Socr. V. c. 2.
 dique Barbaros in Imperii Provincias Soz. VII.
 irrumpere, virum fortem sibi jungendum c. 2.
 existimavit, qui tot bellorum pondus se- Theod. V.
 cum ferret; itaque, quamvis juniorem hist. c. 5.
 fratrem haberet, multum antea Impera- Zosim. l. 4.
 torem declaratum, Sirmii existens, Illy- p. 751.
 rici Occidentalis Metropoli, ubi post Va- Aug. V. ci-
 lentis cladem substiterat, Theodosium, vit. c. 25.
 ex Hispania accersitum, Imperii Socium Idac. fast. an.
 pronuntiavit decimo quarto Calendas 379. Marcel.
 Februa- Chron. init.
Chr. Pasch.
p. 303.

Sæculum IV. Februarii, Aufonio, & Olybrio Confal-
A. C. 379. bus, nempe decima nona Januarii anno

379. Cum eo Imperii Provincias partitus, totum Orientem regendum tradidit cum Thracia, & Illyrico Orientali, quod omnem Græciam comprehendebat, & cujus Metropolis erat Thessalonica. Occidentem sibi, & fratri suo Valentiniano retinuit, quem inter se diviserunt in hunc modum; Gratianus Galliam, Hispaniam, & Britanniam, Valentinianus Italiam, Africam, & Illyricum Occidentale re-

Aurel. Viti. xit. Theodosius tunc annum vitæ age-
ep. in Theod. bat trigesimum tertium, natus in Hispania, ex Imperatoris Trajani genere, cuius profecto, cum omnes animi, corporisque dotes possideret, a vitiis erat alienus.

Am. l. XVII c. 8. Id. lib. XXIX. c. 5. Oros. VII. c. 33. Parenti quoque ejus nomen Theodosius seu Honorius erat, quo illa ætate nemo bello clarior. Is in Africa Firmum Tyrannum sub Valentiniano Seniore anno 373. prælio fregit. Post tres exinde annos per calumnias ad Imperatorem delatus, capite minutus est Carthagine, postquam petiisset Baptismum, & accepisset.

Hier. Chron. an. 377. Theodosius filius, & ipse fortibus factis notissimus, Dux Mœsiæ erat illo tempore, quo ei Parentem inimicorum atrocitas ademit; cum vero in illa Provincia non satis tutus ab insidiis esse sibi videretur, secessit in Hispaniam, unde vocatum Gratianus, Collegam sibi adlegit.

Am. XXIX. c. ult. Nemo

Aurel. Viti. ep. in Gratiano.

Nemo fuit, cui non tanti viri electio probaretur. Sæculum IV.
A. C. 379.

§. XLIV.

S. Ambrosii gesta.

Imperatorem Gratianum, Sirmii existentem, Palladius, & Secundianus Episcopi in Illyrico, soli qui in Occidente Arianorum hæresin defenderent, adeuntes, querebantur, quod Ariani appellarentur, & rogabant, ut Concilium convocaretur ex toto Imperio, præsertim ex Provinciis Orientis, unde plus opis languenti sectæ sperabant. Episcopi Catholici non erant inviti, ut ipse Gratianus inter disputantes arbitrum ageret, sed ipse arbitrium Episcopis reliquit, & locum Concilii Aquileiam pronuntiavit. Interim S. Ambrosius Imperatorem monuit, non esse operæ pretium, ut tot Episcopi propter duos hæreticos fatigarentur, & se quidem cum aliis Italiæ Episcopis ad refellendas eorum objectiones sufficere. Probavit consilium Gratianus, imo edixit, ne ullus Episcopus futurum Concilium adire teneretur, qui gravis ætatis causa sine magna molestia venire non posset, aut quos infirmitas corporis, jejunia, vel paupertas, Episcoporum decus, retinerent; omnibus autem, qui ultro vellent, veniendi facultatem dedit. Concilium Aquilejense non nisi post duos exinde

*Amb. ep. 12.
n. 3. ep. 10.
n. 2.*

*Script. imp.
in Gestis
Conc. Aquil.
n. 4.*